



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SEPEDI LELEMETLALELETŠO LA PELE (FAL)

LEPHEPHE LA BORARO (P3)

2022

MEPUTSO: 100

NAKO: Diiri tše 2½



Palomoka ya matlakala a dipotšišo ke 6.

DITAELO LE TSHEDIMOŠO

1. Lephephe le, le arotšwe ka DIKAROLO TŠE THARO, e lego YA A, YA B le YA C.

KAROLO YA A: Ditaodišo (50)
KAROLO YA B: Ditšweletšwa tša tirišano tše telele (30)
KAROLO YA C: Ditšweletšwa tša tirišano tše kopana (20)

2. Araba potšišo E TEE karolong YE NNGWE le YE NNGWE.
3. Šomiša polelo yeo o lekwago ka yona.
4. Thoma KAROLO YE NNGWE le YE NNGWE letlakaleng LE LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o dire padišišobohlatse. Peakanyo ya gago e tšwelele PELE ga ditšweletšwa ka moka.
6. Peakanyo e bonagale gabotse. E laetšwe ka go thala mothalo wa go putla.
7. Šomiša nako ya gago ka tsela ye:
- KAROLO YA A: Metsotso ye 80
KAROLO YA B: Metsotso ye 40
KAROLO YA C: Metsotso ye 30
8. Dikarabo di nomorwe go ya le ka fao dipotšišo di nomorilwego ka gona.
9. Efa KAROLO YE NNGWE le YE NNGWE hlogo ya maleba.
10. Hlogo ga se ya swanela go balwa ge go dirwa palo ya mantšu.
11. Ngwala ka bothakga le ka mongwalo wa go balega.



KAROLO YA A: DITAODIŠO**POTŠIŠO YA 1**

Kgetha E TEE go dihlogo tše seswai tše di latelago gomme o ngwale taodišo ya botelele bja mantšu a magareng ga 250 le 300.

Taodišo e rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

- 1.1 Ga ke kgolwe gore ke nna ke fihlilego mo seemong se. [50]
- 1.2 Go se theeletše go wetša motho mathateng a bophelo. [50]
- 1.3 Tlhokego ya mešomo e hlatlošitše koketšego ya bosenyi mo nageng. [50]
- 1.4 Dipoelamorago tšeo di hlolwago ke go tla ka go šielana ga barutwana dikolong. [50]
- 1.5 Maitshwaro a batswadi a na le seabe kgodišong ya bana ba bona. [50]
- 1.6 Go kgethelwa molekane ke tlhohleletšo ya tlaišo le phapano ya malapa. [50]
- 1.7 Lebeledišiša diswantšho tše gomme o ngwale taodišo ka se SE TEE sa tšona. Diswantšho tše di ka tsoša maikutlo goba boikgopolelo bjo bo itšego.

ELA HLOKO: Go swanetše go ba le kamano magareng ga taodišo ya gago le seswantšho seo o se kgethilego.

1.7.1




[Mothopo: Inthanete]

[50]



1.7.2



[Mothopo: Inthanete]

[50]

PALOMOKA YA KAROLO YA A: 50



KAROLO YA B: DITŠWELETŠWA TŠA TIRIŠANO TŠE TELELE**POTŠIŠO YA 2**

Araba potšišo E TEE go tše nne tše di latelago. Botelele bja karabo ya gago e be mantšu a magareng ga 120 le 150 (diteng fela.)

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

2.1 LENGWALO LA SEGWERA/SETLWAEDI

Dikolo di butšwe kotareng ya pele. Wena le mogwera wa gago le dira kreiti ya 12 dikolong tše di fapanego.

Mo ngwalele lengwalo o mmotše ka moo o ikwago ka gona le maikemišetšo a gago. [30]

2.2 LENANEOTHERO LE METSOTSO

Bjalo ka mongwaledi wa lekgotla la Iketleng Bafsa, le bile le kopano pele ga letšatši la 16 Phupu go gopola letšatši la bafsa.

Re alele lenaneothero le metsotso ya kopano ya letšatši leo. [30]

2.3 POLEDIŠANO

Lesiba le Nkotsana ba kopane mabenkelengkgoparara a tikologo ya gabobona.

Re alele poledišano ya bona malebana le moento wa bolwetši bja Covid-19. [30]

2.4 POLELO

Morago ga go lemoga lerato le tlhokomelo ya batswadi ba lena, le beakantše go ba direla moletlo wa ditebogo ba sa phela.

Bjalo ka ge o kgethilwe go emela bana le ditlogolo, re alele polelo ya gago ya letšatši leo. [30]

PALOMOKA YA KAROLO YA B: 30



KAROLO YA C: DITŠWELETŠWA TŠA TIRIŠANO TŠE KOPANA**POTŠIŠO YA 3**

Araba potšišo E TEE go tše tharo tše di latelago. Botelele bja karabo ya gago e be mantšu a magareng ga 80 le 100 (diteng fela.)

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

3.1 PAPTŠO

Moratho wa gago wa mengwaga ye seswai (8) o na le dibapadišane tše ntši tše o a sa di šomišego.

Thala papatšo yeo go yona o tšweletšago tše o di bapatšwago.

[20]**3.2 MOLAETŠA WA WHATSAPP**

Wena le mogwera wa gago le mo mphatong wa marematlou ngwageng wo. Bjale le beakanya ka moo le ka ithutago ka gona gore le tle le tšwelele gabotse ditlhahlobong tša mafelelong a ngwaga.

Mo ngwalele molaetša wo mokopana ka mokgwa wa WhatsApp, o šišinye ka moo le ka itokišetšago ditlhahlobo tša mafelelo a ngwaga ka gona.

[20]**3.3 DITŠHUPETŠO**

Kgoro ya Dipapadi, Bokgabo le Setšo e kgethile lepatlelo la Legae bjalo ka lefelo leo go yago go swarelwa phadišano ya mmimo wa ditšo tša go fapana.

Ngwalela batswadi ba gago bao ba ratago go tsenela diphadišano tše o tsela yeo ba swanetšego gore ba e latele go tloga ka gageno go fihla lepatlelong leo la Legae.

Laetša tsela ya go leba fao ka go bolela ka dikhutlonne tša lefase, bokgole, maina a mebila, maswao a tsela le meago ye megolo yeo e lego gona tseleng ya go leba fao.

[20]

PALOMOKA YA KAROLO YA C: 20
PALOMOKA YA TLHAHLOBO: 100

